



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-1-2185-17-2/25 – JH/SA
Tuzla, 09.01.2026. godine

Na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i Preporuke Komisije za provođenje postupka ugovaranja zdravstvene zaštite za 2026. godinu, donosi se sljedeća

O D L U K A

o izboru ponuđača u postupku nabavke dijagnostičkih pretraga za 2026. godinu LOT 2 - Mamografija u II krugu otvaranja ponuda

I

Cijeneći Preporuku Komisije za provođenje postupka ugovaranja zdravstvene zaštite, za nabavku dijagnostičkih procedura za 2026. godinu – LOT 2 - Mamografija, bira se ponuđač JZU UKC Tuzla.

II

Cijena po kojoj će se vršiti realizacija Okvirnog sporazuma iznosi 40,00 KM.

Finansiranje će se vršiti na osnovu Modela 3 iz člana 12. stav (1) tačka c) Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2026. godinu broj: 02/1-33-34546/25 od 20.11.2025. godine.

III

Nakon proteka Zakonom predviđenog roka, te dobijanjem Saglasnosti Ministarstva zdravstva Tuzlanskog kantona za zaključivanje Okvirnog sporazuma i usvajanjem Odluke Upravnog odbora Zavoda zdravstvenog osiguranja TK o davanju Saglasnosti na zaključivanje Okvirnog sporazuma, ovaj Ugovorni organ će sa izabranim ponuđačem zaključiti Okvirni sporazum o pružanju dijagnostičkih pretraga za 2026. godinu – LOT 2 - Mamografija.

IV

U skladu sa članom 70. stav (6) Zakona o javnim nabavkama BiH, ova Odluka će biti objavljena na internet stranici Ugovornog organa istovremeno sa upućivanjem svim učesnicima u predmetnom postupku.

V

Ova Odluka stupa na snagu danom donošenja.

OBRAZLOŽENJE

Na osnovu člana 8. stav (1) Zakona o javnim nabavkama ("Službeni glasnik BiH", broj: 39/14, 59/22 i 50/24), Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2026. godinu, koju je donijela Vlada Tuzlanskog kantona, člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16) i Saglasnosti Ministarstva zdravstva TK broj: 13/1-33-035011/25 od 24.11.2025. godine, objavljen je Javni poziv za dostavu ponuda za ugovaranje dijagnostičkih pretraga – papa test i mamografija za 2026. godinu broj: 03-11-1-2185-2/25– SB/JH od 24.11.2025. godine.

Predmet nabavke su usluge dijagnostičkih pretraga za 2026. godinu.

Predmet nabavke bio je podjeljen na dva (2) LOT-a:

- LOT 1 - PAPA test
- LOT 2 - Mamografija

Procijenjena vrijednost nabavke iznosila je 150.000 KM odnosno:

- LOT 1 - PAPA test – 75.000 KM
- LOT 2 – Mamografija – 75.000 KM.

Kriterij za odabir ponuđača je najniža ponuđena cijena.

Maksimalne cijene po kojima će se vršiti realizacija ugovora, u skladu sa odlukama Upravnog odbora ZZOTK iznose:

- PAPA test – 35 KM,
- Mamografija – 40 KM

Javni poziv bio je otvoren do 24.12.2025. godine.

Prvo otvaranje prijave održano je 05.12.2025. godine, te su sa odabranim ponuđačima po proteku roka za žalbu zaključeni Okvirni sporazumi.

Ponuda za LOT 2 - Mamografija u II krugu otvaranja dostavljena je od strane ponuđača JZU UKC Tuzla.

Nakon evaluacije ponuda sačinjen je Zapisnik o pregledu i ocjeni ponuda – LOT 2 - Mamografija – II krug broj: 03-11-1-2185-11/25-JE/JH od 30.12.2025. godine, koji sadrži sve elemente i obrazloženja u vezi pregleda i ocjene ponude dostavljene u predmetnom postupku javne nabavke.

Za ovaj postupak nabavke predviđeno je vođenje pregovora sa ponuđačima koji dostave ponude koje budu ocjenjene kao formalno pravno ispravne odnosno koje su prihvatljive.

Istim je predviđeno da će se pregovori voditi u svrhu postizanja jedinstvene najniže cijene po uslugama koje su predmet nabavke.

S obzirom da je Zapisnikom o pregledu i ocjeni ponude dostavljene u postupku ugovaranja dijagnostičkih pretraga za 2026. godinu - LOT 2 – Mamografija – II Krug utvrđeno da je ponuđač ponudio cijenu u iznosu od 75,00 KM, dok je maksimalna cijena u skladu sa Odlukom Upravnog odbora ZZO TK za predmetnu uslugu za 2026. godinu utvrđena u iznosu od 40,00 KM, s istim su održani pregovori.

Putem pregovora ponuđač je prihvatio cijenu dostavljanjem Izjave o prihvatanju cijene ud 40 KM koja je postignuta u prvom krugu otvaranja.

U cilju postizanja operativnosti i efikasnosti pregovori su izvršeni elektronskim putem.

Postupajuća Komisija je dala Preporuku Ugovornom organu da se Okvirni sporazum o pružanju dijagnostičkih pretraga za 2026. godinu – LOT 2 - Mamografija, dodijeli ponuđaču JZU UKC Tuzla.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

U postupku je procijenjeno da je Komisija u svemu pravilno postupila, te da je izbor ponuđača izvršen u skladu sa Zakonom o javnim nabavkama, podzakonskim aktima i Javnim pozivom.

Cijeneći naprijed navedeno, odlučeno je kao u dispozitivu ove Odluke.


POUKA O PRAVNOM LIJEKU:

Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od 10 dana od dana prijema ove Odluke.

Dostavljeno:

- Ponuđaču (e-mail)

DIREKTOR



Doc.dr.sc. Denis Husić, dipl. pravnik

